

INSTITUT ZA ZDRAVLJE I SIGURNOST HRANE ZENICA
ul. fra Ivana Jukića br. 2., 72000 Zenica
Broj: 02- 3352 /25
Zenica, 20.08.2025.godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), te na osnovu preporuke Komisije za javne nabavke, a po provedenom postupku za nabavku roba- Nabavka sredstava za DDD (sredstva za dezinfekciju, dezinfekciju, herbicidi, repelenti) **LOT 3.- Nabavka sredstava za dezinfekciju u formi gela namijenjen za suzbijanje gmižućih insekata na bazi aktivne materije imidakloprid**, direktor Instituta za zdravlje i sigurnost hrane Zenica donosi

ODLUKU o izboru najpovoljnijeg ponuđača

Član 1.

Prihvata se preporuka Komisije za javne nabavke, te se okvirni sporazumi za nabavku roba- Nabavka sredstava za DDD (sredstva za dezinfekciju, dezinfekciju, herbicidi, repelenti) **LOT 3.- Nabavka sredstava za dezinfekciju u formi gela namijenjen za suzbijanje gmižućih insekata na bazi aktivne materije imidakloprid** dodjeljuje ponuđaču **SEMAGRI d.o.o. Sarajevo** koji je dostavio ponudu broj: 13-7/2025 od 13.08.2025. godine (broj ugovornog organa 01-4742/25 od 13.08.2025. godine), u kojoj je ponuđena cijena 20.000,00 KM bez PDV-a.

Okvirni sporazum se zaključuje na period od dvije godine.

Član 2.

Izabrani ponuđač IMA obavezu dostavljanja dokumentacije propisane tenderskom dokumentacijom (u originalu ili ovjerenoj kopiji).

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web-stranici ugovornog organa (www.inz.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-3047/25 od 23.07.2025. godine. Postupak nabavke je proveden otvorenim postupkom za koji je objavljeno obavještenje o nabavci broj: 7126-1-1-186-3-109/25 od 23.07.2025. godine na Portalu javnih nabavki. Postupak nabavke provela je Komisija za javne nabavke imenovana Rješenjem broj: 02-3048/25 od 23.07.2025.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke za LOT 3, utvrđeno je sljedeće:

- da je za LOT 3 ukupano pristigle tri ponude;
- da su blagovremeno zaprimljene tri ponude;
- da nije bilo neblagovremenih ponuda;
- da su dvije ponude odbačene kao neprihvatljive u skladu sa članom 68. ZJN BiH;

U toku ocjene ponuda Komisija za provođenje postupka javne nabavke je ponudu ponuđača BAŠA TRANS d.o.o. Visoko za LOT 3.- Nabavka sredstava za dezinfekciju u formi gela namijenjen za suzbijanje gmižućih insekata na bazi aktivne materije imidakloprid, ocijenila neprihvatljivom zbog neispunjavanja uslova propisanih tačkom 3.4. Tenderske dokumentacije kojom se težilo „Rješenje/Uvjerenje/Potvrda nadležne institucije o dozvoli za obavljanje djelatnosti uvoza i prometovanja otrovima izdatu od nadležne institucije Bosne i Hercegovine, tj dokument kojim ponuđač dokazuje da ima dozvolu uvoza i prometovanja otrovima izdatu od nadležne institucije BiH. Naime, ponuđač je kao traženi uslov dostavio Rješenje broj: UP-I-03-2-24/2-1864-1/17 J.J. od 16.02.2018. godine o upisu u dodatni skladišni prostor pravnog lica BAŠA TRANS d.o.o. Visoko poslovna jedinica „AGAR LAND“ na adresi Muhašinovići bb Visoko u registar pravnih i fizičkih lica za promet fitofarmaceutskim sredstvima na malo. Budući da dostavljeno rješenje nije dokument koji dokazuje dozvolu za obavljanje djelatnosti uvoza i prometovanja otrovima izdatu od nadležne institucije Bosne i Hercegovine, te je ponuda ponuđača ocijenjena kao neprihvatljiva.

Ponuđač POLJOVET d.o.o. Gradačac nije ispunio uslove za kvalifikaciju iz člana 45. i člana 52. Zakona o javnim nabavkama BiH, budući da dostavljene izjave nisu potpisane od strane lica koje je u samom tekstu izjava navedeno kao lice koje izjavljuje. Iako je uz ponudu dostavljena punomoć za ovlašteno lice koje je potpisalo izjave, u tekstu izjava je kao lice koje izjavljuje naveden direktor firme (zakonski zastupnik), dok je potpis na izjavama stavilo drugo lice – punomoćnik. Prema stavu Agencije za javne nabavke BiH, izraženom putem dostupnih mišljenja, izjave iz člana 45. i člana 52. imaju karakter ličnih izjava ponuđača, te potpisnik mora biti isto lice koje je navedeno u tekstu izjave. Nepodudaranje između navedenog imena i stvarnog potpisnika čini izjave nevažećim dokazima o ispunjavanju zakonom propisanih uslova. Shodno tome, ponuda ponuđača se odbacuje jer nije dokazano ispunjavanje obaveznih uslova za učešće u postupku javne nabavke.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije. Kako je za predmetnu nabavku zaprimljena samo jedna prihvatljiva ponuda, te se e-aukcija nije provodila.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač SEMAGRI d.o.o. Sarajevo dostavio ponudu sa najnižom cijenom, a obzirom da je kriterij za izbor najpovoljnije ponude najniža cijena tehnički zadovoljavajuće ponude, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (pet) dana od dana prijema ove odluke

Dostaviti:

- 1x SEMAGRI d.o.o. Sarajevo
- 1x BAŠA TRANS d.o.o. Visoko
- 1x POLJOVET d.o.o. Gradačac
- 1x www.inz.ba
- 1x arhiva


DIREKTOR
Dr.sci. Muamer Mandra, DVM